



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS

ISIXHOSA ULWIMI LOKUQALA OLONGEZELELWEYO (FAL)

IPHEPHA LESITHATHU (P3)

2018

IMEMORANDAM

AMANQAKU: 100

Le memorandam inamaphepha ali-13.

ICANDELO A: ISINCOKO

UMBUZO 1

Imiyalelo yokumakisha

- Kweli candelo umviwa ukhetha isihloko sibesinye. Xa ekhethe zazibini, makisha esokuqala.
- **QAPHELA:** Umviwa angabhala naluphi udidi lwesincoko ngesihloko asikhethileyo.
- Ubude besincoko bumele ukuba kwisithuba samagama ali-190 ukuya kuma-240.
- Sebenzisa irubriki esisihlomelo A ukumakisha esi sincoko.

1.1	Isihloko:	Eyona ndibano yathetha lukhulu ebomini bam	
	Imo efanelekileyo:	Intshayeleyo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Umviwa angasebenzisa nawuphi kule mixholo ilandelayo.</p> <p>Usenokuchaphazela ukudibana kwakhe nomntu owenza utshintsho ebomini bakhe/Usenokubalisa ibali ngale ndibano okanye achaze le ndibano/Makayixele ukuba yayiyindibano engantoni, inini, iphi/Makazivelele iindidi zabantu ababelapho/ Makachaze ukuba yintoni le yenzeka okanye yathethwa kuloo ndibano neemvakalelo awaba nazo ngaloo mini/Makachaze indlela le ndibano eyenza utshintsho ngayo okanye eyenza umahluko ngayo ebomini bakhe.</p> <p>(Naziphi izimvo zomfundi ezisemxholweni ziya kwamkeleka.)</p>	
1.2	Isihloko:	Ubuhle	
	Imo efanelekileyo:	Intshayeleyo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Umviwa angasebenzisa nawuphi kule mixholo ilandelayo.</p> <p>Makachaze ukuba buyintoni ubuhle, achaphazele iindidi zabo/ Makaveze izimvo ezahlukeyo malunga nobuhle/Iziphumo zobuhle nesiphelo sabo ebantwini nasentlalweni.</p> <p>(Naziphi izimvo zomfundi ezisemxholweni ziya kwamkeleka.)</p>	

1.3	Isihloko:	Mhla ndawongwa ngembasa	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Umviwa angasebenzisa nawuphi kule mixholo ilandelayo.</p> <p>Anike iinkcukacha zembali yale mini/Makuvele ukuba kwakuphi, kunini/Makaxele ukuba yayiyimbasa efunyanwa ngumntu ozibalule entwenini/Makachaze iimvakalelo zakhe nemeko awayekuyo ngaloo mini/Makatsho ukuba ukuwongwa kwakhe ngembasa kwenze okanye kungenza mahluko mni ebomini bakhe.</p> <p>(Naziphi izimvo zomfundi ezisemxholweni ziya kwamkeleka.)</p>	
1.4	Isihloko:	Emva konyaka ...	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Umviwa angasebenzisa nawuphi kule mixholo ilandelayo.</p> <p>Makaxele okwenzekayo emva konyaka othile, isenokuba sisiganeko esamehlelayo okanye omnye umntu, impumelelo okanye imeko ethile/Akukhankanyayo okwenzeka ngesithuba esisemva konyaka kuqhagamshelane nokwenzeka ngaphambili kuchatshazelwe neziphumo.</p> <p>(Naziphi izimvo zomfundi ezisemxholweni ziya kwamkeleka.)</p>	

1.5	Isihloko:	Ukulunga nokungalungi kwemfundo eqhutyelwa ekhaya	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Umviwa angasebenzisa nawuphi kule mixholo ilandelayo.</p> <p>Makachaphazele ukulunga okanye ukungalungi kwemfundo eqhutyelwa ekhaya/ Makakhankanye ukuba kunanzuzo ni ukuba umntwana afumanele imfundo ekhaya/ angachaphazela ixesha elaneleyo lokufundiswa/ inkxaso engangxengwanga/ Kukungalungi angachaphazela ubulolo bomntwana/ ukuchaphazeleka kwesimo sengqondo/ ukusilela kobuchule bonxibelelwano.</p> <p>(Naziphi izimvo zomfundi ezisemxholweni ziya kwamkeleka.)</p>	

1.6	Isihloko:	Ipalamente yolutsha ingasisisombululo kwiingxaki ezikhoyo eMzantsi Afrika	
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	<p>Umviwa angasebenzisa nawuphi kule mixholo ilandelayo.</p> <p>UMfundi unokuxhasa okanye achase/Makathathe icala/ Oxhasayo makavelise izizathu ezibangela ukuba axhase/ Makanyathele kwiimbono neengcinga ezintsha ulutsha olunokuza nazo zibeyimpendulo kwiimeko ezingaginyisi mathe ezikhoyo eMzantsi Afrika/lingongoma azibekayo mazidize ulwazi oluphangaleleyo malunga nokuqhubekayo kwiinkalo ngeenkalo kweli lizwe/Makabonise ukuba ulutsha lukulungele ukuxwaya uxanduva oluhambelana nokuzisa iinguqu nenkqubela/Unokukhankanya ukuba ulutsha lonyaka we-1976 lwenza inguqu kwimbali yeli, ngoko ke kumele ukuba luthenjwe/ Ochasayo makanike izizathu ezibangela ukuba angahambisani nesihloko/Makabonise ukuswela amava kolutsha njengesithintelo sezimvo ezinokuzisa inguqu nenkqubela/ Makachaphazele ukuba ulutsha lunomngeni wokungakwazi ukuzalanisa ilungelo noxanduva/Makavelise ukuba luyalambatha ngezakhono ezidiza ukomelela ngokwasengqondweni ngoko ke izinto luzithatha ngegazi elishushu.</p> <p>(Naziphi izimvo zomfundi ezisemxholweni ziya kwamkeleka.)</p>	

1.7.1	Isihloko:		
	Imo efanelekileyo:	Intshayelelo, isiqu nesiphelo.	
	Ulwimi	Luhambelane nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angasebenzisa nawuphi kule mixholo ilandelayo. Ukuncedana kwabantu/Izandla ziyahlambana/Unokuveza intlalo yobuntu/Indima emele ukudlalwa ngumntu kwabanye/ Ukuxhomekeka komntu komnye/Uxanduva/Ubunkokeli/ Ukufuneka kwesinye isandla. (Naziphi izimvo zomfundi ezisemxholweni ziya kwamkeleka.)	

[50]

1.7.2	Isihloko:		
	Imo efanelekileyo:	Intshayelelo, isiqu nesiphelo.	
	Ulwimi	Luhambelana nenjongo yokubhala, uhlobo lomhlathi oluhambelana nesincoko esikhethiweyo, isigama sihambelane nesihloko, isakhiwo sezivakalisi kunye nezixhobo zokunonga ezifanelekileyo.	
	Umxholo	Umviwa angasebenzisa nawuphi kule mixholo ilandelayo. Mhla wafika ucango luvaliwe/Angabhala ngokuvula iingcango zobomi eziya kwimpumelelo/Ikamva eliqaqambileyo/ Ukunganikezeli ebomini/Angabalisa ibali lentlupheko okanye umonakalo wezindlu ngenxa yentlekele yendalo/ Ukhuseleko. (Naziphi izimvo zomfundi ezisemxholweni ziya kwamkeleka.)	

[50]

IIMPAWU ZESINCOKO

Isincoko esibalisayo sibhalwa kumntu wokuqala okanye owesithathu.

- Makasebenzise ixesha eladlulayo/elidlulileyo/elimiyo.
- Makabonise ulwazi ngesihloko asikhethileyo.
- Abalinganiswa, isimo sentlalo, izizathu zokuhla kwezehlo ukuya kwisiphelo, mazibonakale.
- Iziganeko zichazwe/zibaliswe ngokulandelelana kwazo okanye zicace ezingunobangela wezinye, kungenjalo angasebenzisa izixhobo ezifana nophuphelo okanye ukuqala ngesenzo esingekeli/sokugqibela.
- Sisebenzisa amagama abonisa ixesha afana noo-emva, phambi, ngeli xesha.
- Sisebenzisa intetho yababini/ukuzithethela kwabalinganiswa.
- Ulwimi olusetyenzisiweyo malube lolokudala ifuthe noluchukumisayo kofunda isincoko, lungekwada phofu.

Isincoko esichazayo sinokubhalwa ngokwexesha elidlulileyo okanye elangoku.

- Sichaza into/umntu/indawo/imeko, njalo njalo.
- Sisebenzisa amagama okudala umfanekiso.
- Sisebenzisa izixhobo zokuchaza ezifana nezichazi, imifanekiso-ntelekelelo, izihlomelo, neziphuhliso ezifana nezifanekisozwi.
- Sisebenzisa imifanekiso-ntelekelelo nezafobe zentetho.
- Sivakalisa iimvakalelo zombhali.

Isincoko esicamngcayo:

- Siveza uvakalelo lombhali ngesigama esibonakalisa amava akhe.
- Siveza uchukumiseko ngomba ekubhalwa ngawo.
- Uvakalelo olungundoqo ludlala indima enkulu.
- Ubukhulu becala esi sincoko siyachaza. (Sisebenzisa izixhobo zokuchaza ezifana nezichazi, imifanekiso - ntelekelelo, izihlomelo, neziphuhliso ezifana nezifanekisozwi kwakunye nezafobe zentetho).
- Uvakalelo lombhali maluveze ukunyaniseka kunye nokubandakanyeka.

Isincoko esixoxela icala elinye:

- Umviwa uthatha icala ngomba othile.
- Uthotho lweengxoxo – oludla ngokuba kwimo engengcaciso ngeengongoma ezithile.
- Ukubethelela – isishwankathelo nokuphindelela kwinkcazelo engoluvo oluthile lokuvula.
- Kwingxoxo yakhe unika ubungqina obuxhasayo obusenokuba ngamanani okanye ukucaphula kumava anawo ayinyani.
- Usenokuxoxela okuthile echasa enika ubungqina obuxhasayo.
- Isiphelo sisenokuba sisishwankathelo neengcebiso.

Kwisincoko esixoxela amacala omabini

- Inkcazelo engomba inokuba ngengxoxo ephambili.
- Umviwa uwaphatha omabini amacala engxoxo.
- Uxoxela okuthile enika ubungqina obuxhasayo.
- Unokulandela isakhiwo esithi umhlathi umela uluvo oluvumayo, kolandelayo, luchase, kungenjalo avume ekuqaleni komhlathi aze achase ekupheleni, kodwa makalunike olwakhe uluvo xa evala.
- Unokuxoxela okuthile echasa/evuma nokunika ubungqina obuyinyani obuxhasayo.
- Isiphelo – isishwankathelo neengcebiso.
- Makabonise ulwazi ngesihloko nangomba axoxa ngawo. [50]

AMANQAKU ECANDELO A: 50

ICANDELO B: UMHLATHI OMDE

Imiyalelo yokumakisha

- Kweli candelo umviwa ukhetha umhlathi ubemnye. Ukuba ukhetha yamibini, makisha owokuqala.
- Ubude bomhlathi omde mabubengamagama angama-80 ukuya kwi-100 umxholo kuphela.
- Sebenzisa irubriki esisihlomelo B ukumakisha lo mhlathi.

UMBUZO 2

2.1 ILETA ESESIKWENI

- lidilesi zimbini, eyombhali neyombhalelwa.
- Isibuliso.
- Umcimbi (ukuba ubhalwe ngoonobumba abancinci ukrwelelwe umgca ngaphantsi).
- Umxholo mawube malunga nesicelo senkxaso-mali yokuncedisa kumnyhadala womboniso weetalente.
- Ithoni nerejista mazibe zezifanele ileta esesikweni.
- Isiphelo sibe seseleta esesikweni.

[30]

2.2 IOBHITSHUWARI

- Igama elipheleleyo; umhla wokuzalwa; indawo awazalelwa kuyo, abazali bakhe; ukukhula kwakhe.
- Ukufunda ukuba ufundile; ukusebenza kwakhe ukuba ubesebenza nezinto azibalule ngazo.
- Ukuhlabeka kwakhe (uqale nini ukugula), umhla wokusweleka.
- Usapho alushiya ngasemva (abazali, iqabane lakhe, abantwana, abantakwabo) namagama alo.
- Amazwi amkhaphayo.

[30]

2.3 INQAKU LEMAGAZINI

- Isihloko masibe nomtsalane sidlwengule umxhelo.
- Igama lomntu obhala inqaku.
- Indlela yokubhala mayibe yevela kumbhali ithethe ngqo nomfundi.
- Isimbo sokubhala singaba sesichazayo nesikhatshwa zizafobe ukutsala umdla.
- Amagama, iindawo, amaxesha obume bendawo kunye nezinye iinkcukacha ezifunekayo mazifakwe kwinqaku elo.
- Malibhalwe ngokweekholam.
- Umxholo mawube malunga nesilumkiso ngokuxhatshazwa kwabantu kumaqonga ezonxibelelwano.
- Makusetyenziswe ulwimi olufanelekileyo.

[30]

2.4 INTETHO

- Intetho mayivulwe ivalwe ngeempawu zocaphulo.
- Intshayelelo itsale umdla wabaphulaphuli.
- Amanqaku ezinto aza kuthetha ngazo mawaphuhle.
- Isimbo sokuthetha masihambe namazwi angentlalo yasebudeni bonyaka neminqweno yeeholide ezimnandi koogxa bakhe.
- Isiphelo masibe ngendlela encamisa umxhelo nezakwenza abaphulaphuli bahlale bekhumbula ebekuthethwa.

[30]

AMANQAKU ECANDELO B: 30

ICANDELO C: UMHLATHI OMFUTSHANE

Imiyalelo yokumakisha

- Kweli candelo umviwa ukhetha umhlathi ubemnye, aze athi ukuba ukhethhe yamibini, makisha owokuqala.
- Ubude bomhlathi omfutshane ngama-60 ukuya kuma-80 amagama umxholo kuphela.
- Sebenzisa irubriki esisihlomelo C ukumakisha lo mhlathi.

UMBUZO 3

3.1 IFLAYA

- Isihloko, isilogani nelogo mazitsale umdla.
- Makubekho inkcaza emfutshane ngemveliso.
- Makudweliswe amaqithiqithi ehamba nawo.
- Mazivele iinkcukacha zoqhagamshelwano.

[20]

3.2 IPOSIKHADI

- Makulandelwe ifomathi efanelekileyo; idilesi yombhalelwa ngasekunene, ekhohlo indawo abhala ekuyo nomhla.
- Isibuliso esifanelekileyo esibonisa ubudlelwane obuphakathi kombhali nombhalelwa.
- Umxholo ngowokunika umfanekiso-ngqondweni wako konke athe wakubona nathathe inxaxheba kuzo.
- Makusetyenziswe ulwimi olungekho sikweni.
- Ithoni nerejista mazibe zezifanelekileyo.

[20]

3.3 IZALATHISI

- Xa uphuma e*Belfast Recreation Centre*, ekudibaneni kwezitalato i*Belfast Terrace neKerry*, wena jika ekhohlo ungene ngeKerry.
- Hamba ngqo ngeKerry udlule isitalato i*Drive* ekhohlo.
- Ngena kwisitalato i*Ballarat*.
- Hamba ngqo unqumle isitalato i*Hellenstein*.
- Usahamba njalo ngesitalato i*Ballarat* nqumla isitalato i*Stanley*.
- Hamba njalo de uyokunqumla isitalato i*Camp*.
- Qhubeka uhambe ujike kwisitalato i*Rees* ekunene.
- Hamba umganyana ujike ekhohlo kwisitalato i*Beach*.
- Qhubeka uhambe ngesitalato i*Beach*.
- Gqitha isitalato i*Hay* ekunene.
- Hamba de ugqithe isitalato i*Lake* ekwasekunene.
- Hamba njalo ude ufike kwisiphambuka esinesitalato i*Brunswick*.
- Jonga ekhohlo uza kubona indawo yokungena e*Real Journey Visitor Centre* ube ufikile.

[Ukuba umviwa usebenzise enye indlela echanekileyo esuka eBelfast Recreation Centre eya eReal Journey's Visitor Centre makanikwe amanqaku.]

[20]

AMANQAKU ECANDELO C: 20
AMANQAKU EWONKE: 100

QAPHELA:

- Sebenzisa le rubriki rhoqo xa umakisha izincoko zephepha lesi-3, ICANDELO A.
- Amanqaku ukusukela kweli-0 ukuya kwangama-50 ahlulahlulwe ngokwamanqanaba amahlanu aphambili.
- Kwiikhrayitheriya yoMxholo, uLwimi neSimbo, inqanaba ngalinye kula mahlanu lahlulahlulwe lanomgangatho ongentla nongezantsi yanemimandla yamanqaku ahambelana nomgangatho ngamnye.
- Ikhrayitheriya yeSakhiwo yona ayichaphazeleki ngumgangatho ongentla nongezantsi.

ISIHLOMELO A: IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU]

Ikhayitheriya		Balaseleyo	Enobuchule	Phakathi	Buthathaka	Bubhetyebhetye
UMXHOLO NOCWANGCISO (Impendulo nezimvo) Ukubekela izimvo ngenjongo yokucwangcisa. Ukubonakalisa ukuyazi injongo, abantu ekujoliswe kubo kunye nemeke. 30 AMANQAKU	Umgangatho ongentla	28–30 -Impendulo ebalaseleyo enomtsalane, ngaphaya kobekulindelekile. -Izimvo zihlakaniphile, zixhokonxa iingcinga kwaye zinemfezeko. -Isincoko sibekelwe ngobuchule obungaqhelekanga kwaye intshayelelo, isiqu kwakunye nesiphelo zibonakalisa unamathelwano olunemfezeko.	22–24 -Impendulo ixonxwe ngobugcisa obukhulu. -Izimvo zinxulumene nomxholo kwaye zinika umdla, bukho ubungqina bemfezeko kwizimvo. -lingcamango zibekelwe ngokwakhelanayo kuquka intshayelelo, isiqu nesiphelo.	16–18 -Impendulo iyanelisa ngokupheleleyo. -Izimvo ziyamathelana noko kwaye zingakuguquka ukucinga kofundayo. -lingcamango zibekelwe ngokunamathelweneyo kuquka intshayelelo, isiqu nesiphelo.	10–12 -Impendulo ingena iphuma emxholweni akukho lunamathelwano kwizimvo. -Izimvo azicacanga kwaye ezinye zazo zezemboleko. -Buncinci kakhulu ubungqina bobekelwe nonamathelwano lweengcamango.	4–6 -Impendulo ayikho mxholweni konke konke. -Izimvo zibondene azingqalanga ntweni. -Azivakali izimvo kwaye ziyaphindaphindwa/ uthetha into enye. -lingcamango zibekwe xazalala azinalunxibelelwano.
		25–27 -Impendulo encamisileyo kodwa akukho zimpawu zakubalaselela kubhekele phi kwisincoko. -Izimvo zivuthiwe zixhokonxa iingcinga. -lingcamango zibekelwe zandindaniswa ngobugcisa kuquka intshayelelo, isiqu kunye nesiphelo.	19–21 -Impendulo ixonxwe ngobugcisa. -Izimvo zisemxholweni kwaye zinika umdla. -Sibekelwe ngobuchule, kukho ukunamathelana kweengcamango okuquka intshayelelo, isiqu nesiphelo.	13–15 -Impendulo iyanelisa nangona kumana kubakho ukungacaci kwiindawo ezithile. -Kukho ukunamathelana okubonakalayo kwizimvo kwaye kuyanelisa. -Kukho ukubekelwa kweengcamango nonamathelwano kwintshayelelo, isiqu nesiphelo.	7–9 -Impendulo iphumile emxholweni ubukhulu becala. -Izimvo ziyaqhawu-qhawuka ziyabhidisa. -Buyanqaphazeka ubungqina bokubekelwe kweengcamango nonamathelwano.	0–3 -Impendulo itenxile malunga nomxholo. -Izimvo zitenxile zingcwecwela kude nomxholo. -lingcamango ziyingxubevange engenamgqalisela.

IRUBRIKI YOKUHLOLA IZINCOKO – ULWIMI LOKUQALA OLONGEZELELWEYO [50 AMANQAKU] (isaqhubeka)

Ikhayitheriya		Balaseleyo	Enobuchule	Phakathi	Buthathaka	Bubhetyebhetye
ULWIMI, ISIMBO & NOKUHLELA Ukuhambelana kwethoni, irejista, isimbo, isigama kunye nemeko Ukhetho-magama Ukusetyenziswa kolwimi nesigama limpawu zobhalo, izakhi zezivakalisi, nopelo 15 AMANQAKU	Umgangatho ongentla Umgangatho ngezantsi	14–15 -Ithoni, irejista, isimbo, isigama zifanelene ngokugqwesileyo nenjongo, abantu ekujoliswe kubo kunye nemeko. -Ulwimi lusetyenziswe ngokuzithemba, luyathabathekisa. -Ithoni enomtsalane nezafobe zentetho eziphumeza injongo. -Phantse kube akukho nasinye isiphene solwakhiwo zivakalisi, upelo nokusetyenziswa kolwimi. -Sixonxwe ngobugcisa obukhulu.	11–12 -Ithoni, irejista, isimbo, isigama zifanelene kakhulu nenjongo, abantu ekujoliswe kubo kunye nemeko. -Ulwimi luchaneke ngakumbi kwaye ithoni isetyenziswe ngokuchaneka kwisincoko siphela. -Iziphene zokusetyenziswa kolwimi nopelo zinqongophele. -Sixonxwe ngobugcisa obukhulu.	8–9 -Ithoni, irejista, isimbo, isigama sifanelene nenjongo, abantu ekujoliswe kubo kunye nemeko. -Ulwimi olufanelekileyo ludlulisa umyalezo. -Ithoni ifanelekile. -Izafobe zentetho zinonga umxholo.	5–6 -Ithoni, irejista, isimbo, isigama azifanelananga ncam nenjongo, abantu ekujoliswe kubo kunye nemeko. -Ulwimi lusetyenziswa ngendlela ebuthathaka. -Ithoni nochongo magama azifanelekanga. -Isigama siinqongophele.	-Ulwimi aluvakali. -Ithoni, irejista, isimbo, isigama asifanelananga kwaphela nenjongo, abantu ekujoliswe kubo kunye nemeko. -Ukunqongophala kwesigama kubaxekile kangangokuba ayinasihlahla into ebhaliweyo.
		13 -Ulwimi luchaneke kanye nezafobe zisetyenziswe ngethoni ephumeza ukudlulisa umyalezo. -Phantse kube akukho nasinye isiphene solwakhiwo zivakalisi, upelo, nokusetyenziswa kolwimi. -Sixonxwe ngobugcisa obukhulu.	10 -Ulwimi lunomtsalane kwaye luyaziphumeza iinjongo zokubhala. -Ithoni ifanelekile kwaye iyaziphumeza iinjongo zokubhala. -Zimbalwa iziphene zezakhi zezivakalisi kunye nopelo. -Sixonxwe ngobugcisa.	7 -Kuyanelisa ukusetyenziswa kolwimi kodwa asekho amakhwiniba. -Ithoni ifanelekile kodwa izafobe zentetho ezisetyenzisiweyo zinqongophele.	4 -Ukusetyenziswa kolwimi kubonisa ububhetyebhetye. -Izivakalisi zinobuthathaka-azitshintsha-tshintshwa. -Isigama siinqongophele ngokubalaseleyo.	
ISAKHIWO limpawu zetekisi Ukukhula kwemihlathi nokwakhiwa kwezivakalisi 5 AMANQAKU		5 Isihloko sikhuliswe ngokuncamisayo. -Iinkcukacha zibalasele ngokungaqhelekanga. -Izivakalisi, imihlathi zakhiwe zaqiqisiswa ngokugqwesileyo.	4 -Iinkcukacha ezinengqiqo zikhuliswe ngokwakhelanayo. -Izimvo zinamathelene. -Izivakalisi, imihlathi zitshintshatshintshwa ngobuchule obuqiqisisiweyo.	3 -Iinkcukacha ezisemxholweni zikhuliswe. -Izivakalisi, imihlathi zakhiwe kule. -Isincoko sibunjwe ngengqiqo.	2 -Zikho iingcamango ezamkelekileyo. -Isakhiwo sezivakalisi nesemihlathi sinamakhwiniba. -Isincoko sisenayo ingqiqo.	0–1 -Iingcamango ezifunekayo zinqongophele. -Isakhiwo sezivakalisi nesemihlathi sigxoko-gxoko. -Isincoko asinangqiqo.
UMMANDLA WAMANQAKU		43–50	33–40	23–30	13–20	0–10

ISIHLOMELO B: IRUBRIKI YOKUHLOLA IMIHLATHI EMIDE– ULWIMI LOKUQALA OLONGEZELELWEYO [30 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO, UCWANGCISO NEFOMATHI Ukungqala kwempendulo nezimvo. Ukuqoqwa kwezimvo ngenjongo yokucwangcisa. Injongo yokubhala, abo kujoliswe kubo, iimpawu/imigaqo yetekisi, kunye nemeko. 18 AMANQAKU	15–18 -Impendulo igqwesile idlule okuqhelekileyo. -Izimvo ziqiqisisiwe kwaye zivuthiwe. -Luphangalele ulwazi lweempawu zolu didi lwetekisi. -Umsebenzi ungqalile uhleli emxholweni. -Kukho ukunamathelana kwizimvo nomxholo. -Iingcamango zidakancwe ngobunono zonke iinkcukacha zixhasa isihloko. -Ifomathi ifanelekile kwaye ichanekile.	11–14 -Impendulo ibonakalisa ukuchaneka kanobom ulwazi olunzulu lweempawu zolu didi lwetekisi. -Inggalile ayiphumi nasemxholweni. -Izimvo zixonxwe zadakancwa ngokunamatheleneyo kumxholo nezimvo. -Iinkcukacha zixhasa isihloko. -Ifomathi ifanelekile ineendawana ezingachanekanga ezingephi.	8–10 -Impendulo iyanelisa ibonakalisa ulwazi lweempawu zolu didi lwetekisi. -Izimvo ziyaphuma emxholweni kwaye kukho nokugqwidiza. -Ukunamathelana kumxholo nezimvo kufanelekile. -Ezinye iinkcukacha zixhasa isihloko. -Ifomathi ifanelekile kodwa kusekho ukungachaneki.	5–7 -Impendulo ibonakalisa ulwazi olungephi lweempawu zolu didi lwetekisi. -Zimbalwa izimvo ezisemxholweni kodwa kuninzi ukuphuma ecaleni. -Kunqabile ukunamathelana komxholo nezimvo. -Zimbalwa iinkcukacha ezixhasa isihloko. -Imigaqo yefomathi ephambili isetyenziswe ngokungaqondi. -Kutyeshelwe izinto ezininzi.	0–4 -Impendulo ibonakalisa ukunqongophala kolwazi lweempawu zolu didi lwetekisi. -Intsingiselo ilahleka rhoqo ide iphume emxholweni. -Akukho ukunamathelana kumxholo nezimvo. -Zimbalwa kakhulu iinkcukacha ezixhasa isihloko. -Imigaqo eyimfuneko yobhalo lwale tekisi ityeshelwe.
ULWIMI ISIMBO SOKUBHALA NOKUHLELA Ithoni, irejista, isimbo, injongo/ifute, abo kujoliswe kubo kunye nemeko. Ukusetyenziswa kolwimi nemigaqo. Uchongo magama limpawu zokubhala kunye nopelo. 12 AMANQAKU	10–12 -Ithoni, irejista, isimbo, isigama zihambelana kakhulu nenjongo nabo kujoliswe kubo kunye nemeko. -Izakhi zezivakalisi zisetyenziswe ngokuchanekileyo. -Phantse kube akukho nasinye isiphene.	8–9 -Ithoni, irejista, isimbo, isigama sichaneke kakhulu malunga nenjongo, abantu ekujoliswe kubo kunye nemeko. -Izakhi zezivakalisi zichanekile kwaye umyalezo wakheke kakuhle. -Isigama sichanekile. -Ubukhulu becala akukho zimpazamo.	6–7 -Ithoni, irejista, isimbo, isigama sihambelana nenjongo, abantu ekujoliswe kubo kwakunye nemeko. -Izakhi zezivakalisi zibonakalisa iimposiso. -Isigama siyanelisa. -Iimpazamo zobhalo ezikhoyo aziyiphazamisi intsingiselo nomyalezo.	4–5 -Ithoni, irejista, isimbo, nesigama azingqamani nenjongo kwakunye nabantu ekujoliswe kubo kunye nemeko. -Izakhi zezivakalisi zineemposiso ezininzi eziphazamisa umyalezo. -Sinqongophele isigama. -Kukho amagingxi-gingxi kwintsingiselo.	0–3 -Ithoni, irejista, isimbo, nesigama azingqamani nenjongo, imeko kwakunye nabantu ekujoliswe kubo. -Izele ziimpazamo ixazalala. -Isigama asifanelananga nenjongo. -Intsingiselo ilahleke kakhulu.
UMMANDLA WAMANQAKU	25–30	19–23	14–17	9–12	0–7

ISIHLOMELO C: IRUBRIKI YOKUHLOLA IMIHLATHI EMIFUTSHANE – ULWIMI LOKUQALA OLONGEZELELWEYO [20 AMANQAKU]

Ikhrayitheriya	Balaseleyo	Enobuchule	Phakathi	Buthathaka	Bubhetyebhetye
UMXHOLO UKUCWANGCISA NEFOMATHI Impendulo nezimvo Ukubekelelwa kwezimvo limpawu zetekisi/ umgaqo kunye nemeko 12 AMANQAKU	10–12 -Impendulo igqwesile ibonisa ukuqisiswa kwezimvo. -Lzimvo zihlakaniphile kwaye zivuthiwe. -Luphangalele ulwazi lweempawu zolu didi lwetekisi. -Umsebenzi ungqalile akukho kugqwidiza. -Kubonakala ukunamathelana kwizimvo nomxholo. -lingcamango zidakancwe ngobunono kwaye zonke iinkcukacha zixhasa isihloko. -Ifomathi ifanelekile kwaye ichanekile.	8–9 -Impendulo ibonakalisa ukuchaneka kanobom ulwazi olunzulu lweempawu zolu didi lwetekisi. -Ingqalile ayiphumi nasemxholweni. -Lzimvo zixonxwe zadakancwa ngokunamatheleneyo kumxholo nezimvo. -linkcukacha zixhasa isihloko. -Ifomathi ingqalile iindawana ezikhoyo ezingachanekanga aziyiphazamisi injongo yokubhala.	6–7 -Impendulo iyanelisa ibonakalisa ulwazi lweempawu zolu didi lwetekisi. -Lzimvo azisoloko zisemxholweni kwaye kukho nokugqwidiza. -Ukunamathelana kumxholo nezimvo kwenzeka ngokufanelekileyo. -Ezinye iinkcukacha zixhasa isihloko. -Ifomathi ingqalile kodwa zikho iindawana ezingachanekanga.	4–5 -Impendulo ibonakalisa ubunzima malunga nolwazi lweempawu zolu didi lwetekisi. -Zimbalwa izimvo ezisemxholweni kodwa kuninzi ukuphuma ecaleni. -Kunqabile ukunamathelana kumxholo nezimvo. -Zimbalwa iinkcukacha ezixhasa isihloko. -Imigaqo yefomathi ephambili ityeshelwe okanye isetyenziswe ngokungaqondi.	0–3 -Impendulo ibonakalisa ukunqongophala kolwazi lweempawu zolu didi lwetekisi. -Intsingiselo ilahleka rhoqo kukho Intsingiselo iduke kwisakhiwo esixazalala. -Akukho ukunamathelana kumxholo nezimvo. -Zimbalwa kakhulu iinkcukacha ezixhasa isihloko. -Imigaqo eyimfuneko yobhalo lwale tekisi ityeshelwe.
ULWIMI, ISIMBO NOKUHLELA Ithoni, irejista, isimbo, nesigama singqamene nenjongo kunye nemeko Ukusetyenziswa kolwimi nemigaqo Ukhetho- magama limpawu zokubhala kunye nopelo 8 AMANQAKU	7–8 -Ithoni, irejista, isimbo, isigama zifanelene kakhulu nenjongo, abo kujoliswe kubo kunye nemeko. -Izakhi zezivakalisi zisetyenziswe ngokuchanekileyo. -Phantse kube akukho nasinye isiphene.	5–6 -Ithoni, irejista, isimbo, nesigama sifanelene kakhulu nenjongo, abantu ekujoliswe kubo kunye nemeko. -Izakhi zezivakalisi zichanekile kwaye umyalezo wakheke kakuhle. -Isigama sichanekile. -Ubukhulu becala azikho iimpazamo.	4 -Ithoni, irejista, isimbo, isigama sifanelene nenjongo, abantu ekujoliswe kubo kwakunye nemeko. -Izakhi zezivakalisi zibonakalisa iimposiso. -Isigama siyanelisa. -Iimpazamo zobhalo ezikhoyo aziyiphazamisi intsingiselo.	3 -Ithoni, irejista, isimbo, nesigama azifanelananga nenjongo, abantu ekujoliswe kubo kunye nemeko. -Izakhi zezivakalisi zineemposiso ezininzi eziphazamisa umyalezo. -Sinqongophele isigama. -Kukho amagingxi-gingxi kwintsingiselo.	0–2 -Ithoni, irejista, isimbo, nesigama azifanelananga nenjongo, imeko kwakunye nabantu ekujoliswe kubo. -Izele ziimpazamo ixazalala iyadida. -Isigama asihambelani nenjongo. -Intsingiselo ilahlekile kakhulu.
UMMANDLA WAMANQAKU	17–20	13–15	10–11	7–8	0–5